


宋本  
春秋左氏傳

廿七廿八

仁心  
7.726  
14



門 12  
卷 14  
1726



春秋經傳集解定公上第二十七

定公名宋襄公之子昭公之弟謚法安民大慮曰定

杜氏註

盡七年

經元年春王公之始年而不書正月公即位在六月故三月晉人

執宋仲幾于京師晉執人于天子之側而不歸京師故但書其執不

書所歸夏六月癸亥公之喪至自乾侯告

幾音機廟故定公不得以正月即位失戊辰公即位其時故詳而日之記事之

宜無例秋七月癸巳葬我君昭公公在外薨故

九月大雩無傳過也立煬宮煬公伯禽子也其廟已毀季氏

禱之。而立其宮。書以譏之。冬十月。隕霜殺菽。無傳。

月。今八月。隕霜殺菽。非常之災。菽本又作叔。

傳。元年春。王正月辛巳。晉魏舒合諸侯之大

夫于狄泉。將以城成周。魏子泣政。泣。臨也。代天子大夫。

為衛彪僂夫曰。將建天子之居而易位

以令。非義也。大事奸義。必有咎。晉不失諸

侯。魏子其不免乎。是行也。魏獻子屬役於韓

簡子。及原壽過。簡子。韓起孫。不信也。原壽過。周大夫。屬之。欲反。過。古禾。

而田於大陸。焚焉。禹貢。大陸在鉅鹿北。嫌絕遠。疑此田在汲郡吳。

澤。荒蕪之地。火田。并見。還卒於甯。甯。今脩武

范獻子去其柏椁。以其未復命而田也。范獻子代

魏子為政。去其柏椁。示貶之。去起呂反。孟懿子會城成周。不書。公未

即位。庚寅。栽。栽。設板築。宋仲幾不受功。曰。

滕薛邠吾役也。欲使三國代宋。受功役。邠。五兮反。小邾國。薛宰

曰。宋為無道。絕我小國於周。以我適楚。故我

常從宋。晉文公為踐土之盟。在僖二。十八年。曰。凡我

同盟。各復舊職。若從踐土。若從宋。亦唯命。仲

幾曰。踐土固然。固曰從舊。薛宰曰。薛之皇

祖奚仲居薛。以為夏車正。禹皇大也。奚仲為夏

奚仲遷于邳。邳下邳縣仲虺居薛。以為湯左相。仲虺

奚仲之後若復舊職。將承王官。何故以役諸侯。奉承

也。仲幾曰。三代各異物。薛焉得有舊。言居周世不得

以為復殷為舊為宋役。亦其職也。士彌牟曰。晉之從

政者新。言范獻子新為政。未習故事子姑受功。歸吾視諸

故府。求故事仲幾曰。縱子忘之。山川鬼神。其忘

諸乎。山川鬼神。盟所告士伯怒。謂韓簡子曰。薛徵於

人。典籍故事。人所知也宋徵於鬼。取證於鬼神宋罪大矣。且

已無辭。而抑我以神。誣我也。啓寵納侮。其此

之謂矣。開寵過分。則納受侵侮必以仲幾為戮。乃執仲

幾以歸。三月。歸諸京師。知以歸不可。故復歸之京師城三

旬而畢。乃歸諸侯之戍。齊高張後。不從諸侯

後期不及晉女叔寬曰。周萇弘。齊高張。皆將

不免。叔寬女寬也。萇直良反萇叔違天。高子違人。天既厭周

德。萇弘欲遷都。以延其祚。故曰違天。諸侯相帥以崇天子。而高子後期。故曰違人天

之所壞。不可支也。眾之所為。不可奸也。為哀三年

周人殺萇弘。六年高張來奔。起夏。叔孫成子逆公之喪于乾

侯成子。叔孫季孫曰。子家子亟言於我。未嘗

不中吾志也。吾欲與之從政。子必止之。且聽

命焉。衆事皆諮問子。子家子不見叔孫。易幾

而哭。幾。哭會也。不欲見叔孫。故朝夕哭。不同會。叔孫請見子家子。

子家子辭曰。羈未得見而從君以出。出時成子未為

敢見。言未受昭公之命。託辭以距叔孫。叔孫使告之曰。公衍

公為實使羣臣不得事君。逐季氏。二子始謀。若公子

宋主社稷。則羣臣之願也。弟定公。凡從君出

而可以入者。將唯子是聽。子家氏未有後。季

孫願與子從政。此皆季孫之願也。使不敢以

告。不敢。叔孫對曰。若立君。則有卿士大夫與

守龜在。羈弗敢知。若從君者。則貌而出者。入

可也。貌出。謂以義從公。與季氏無實怨。守手又反。寇而出者。行可

也。與季氏為寇。離者自可去。若羈也。則君知其出也。君昭

而未知其入也。羈將逃也。喪及壞墮。公子宋

先入從公者。皆自壞墮反。出奔。壞音懷。音類。六

月。癸亥。公之喪至。自乾侯。戊辰。公即位。諸侯

左傳卷三十一

五

日而殯。殯則嗣子即位。癸亥。昭公喪至。五日殯於宮。定公乃即位。季孫使役

如闕公氏將溝焉。闕魯羣公墓所在也。季孫惡昭公欲溝絕其北域不

使與先君同。闕口。暫反惡去聲。又如字。榮駕鵝曰：生不能事，死

又離之，以自旌也。駕鵝魯大夫榮成伯也。旌。章也。駕音加。鵝五何反。

縱子忍之，後必或恥之，乃止。季孫問於榮駕

鵝曰：吾欲為君謚，使子孫知之。為惡謚。對曰：生

弗能事，死又惡之，以自信也。將焉用之，乃止。

秋七月癸巳，葬昭公於墓道南。孔子之為司

寇也，溝而合諸墓。明臣無貶君之義。昭公出。惡如字。又去聲。

故季平子禱于煬公。九月立煬宮。平子逐君。懼而請禱。

於煬公。昭公死於外。自以為獲福，故立其宮。周鞏簡公弃其子弟

而好用遠人。簡公周卿士。遠人異族也。為明年鞏氏賊簡公。張本。好去聲。

經二年春，王正月。夏五月，壬辰，雉門及兩觀

災。無傳。雉門公宮之南門。兩觀。觀古亂反。秋楚人伐吳。闕也。天火曰災。觀古亂反。

冬十月，新作雉門及兩觀。無傳。

傳二年夏四月辛酉，鞏氏之羣子弟賊簡公

跣，所以敗也。桐叛楚。桐小國。廬江舒縣西南有桐鄉。吳子使

舒鳩氏誘楚人，屬國曰：以師臨我。舒鳩楚使誘楚使。

以師臨吳我伐桐。為我使之無忌。吳伐桐也。偽若畏楚師之臨已。

而為伐其叛國以取媚者也。欲使楚不忌矣。所謂多方以誤之。為我于偽反。下同。秋

楚囊瓦伐吳師于豫章。從舒鳩言。吳人見舟于豫

章。偽將為楚伐桐。見賢遍反。而潛師于巢。實欲以擊楚。冬十

月。吳軍楚師于豫章。敗之。楚不忌故。遂圍巢。克之。

獲楚公子繁。繁守巢大夫。邾莊公與夷射姑飲酒。

私出。射姑。邾大夫。出。辟酒。射音亦。一音夜。闔乞肉焉。奪之。杖

以敲之。奪闔杖以敲闔頭也。為明年邾子卒。傳。敲苦孝反。又苦學反。又口交反。

經三年春。王正月。公如晉。至河。乃復。無傳。二月。

辛卯。邾子穿卒。再同盟。夏四月。秋葬邾莊公。六月

乃葬。冬。仲孫何忌及邾子盟于拔。拔。地闕。反。

傳三年春。二月。辛卯。邾子在門臺。門上。有臺。臨廷。

闔以餅水沃廷。邾子望見之。怒。闔曰。夷射姑

旋焉。旋。小。便。命執之。見其不潔。執射姑。弗得。滋怒。自投

于牀。廢于鑪炭爛。遂卒。廢。隋也。吳反。隋徒火反。先葬

以車五乘。殉五人。欲藏中之潔。故先內車及殉。別為便房。蓋其遺命。

先悉薦反。又如。莊公卞急而好潔。故及是。躁。

疾也。秋九月。鮮虞人敗晉師于平中。平中。晉地。獲晉

觀虎恃其勇也

為五年士鞅圍鮮虞張本

冬盟于郊

拔也

脩邾好也

公即位故脩好

蔡昭侯為兩佩與兩裘

佩佩

也。玉以如楚。獻一佩一裘於昭王。昭王服之。以

享蔡侯。蔡侯亦服其一。子常欲之。弗與。三年

止之。唐成公如楚。有兩肅爽馬。子常欲之。

唐惠侯之後肅爽駿馬名肅如字。又所六反。爽音霜。

弗與。亦三年止

之。唐人或相與謀。請代先從者。許之。飲先從

者酒。醉之。竊馬而獻之。子常。子常歸。唐侯自

拘於司敗。竊馬者自拘。才用反。飲於鳩反。曰。君以弄馬之

故。隱君身

隱憂約也

弃國家。羣臣請相夫人以償

馬。必如之。

相助也。夫人謂養馬者。相息亮反。夫音扶。

唐侯曰。寡

人之過也。二三子無辱。皆賞之。蔡人聞之。固

請而獻佩于子常。子常朝。見蔡侯之徒。命有

司曰。蔡君之久也。官不共也。

言楚所以禮遣蔡侯之物不共。

備故。共音恭。明日禮不畢。將死。遣蔡侯之禮。蔡侯歸。及

漢。執玉而沈。曰。余所有濟漢而南者。有若大

川。

自誓言。若復渡漢。當受禍。明如大川。沈音鳩。

蔡侯如晉。以其子

元。與其大夫之子為質焉。而請伐楚。

為明年會召陵。



張本

經四年春王二月癸巳陳侯吳卒

無傳。未同盟而赴以

名。癸巳。正月七日。書二月。從赴。

三月公會劉子晉侯宋公蔡

侯衛侯陳子鄭伯許男曹伯莒子邾子頓子

胡子滕子薛伯杞伯小邾子齊國夏于召陵

侵楚於召陵。先行會禮。夏四月庚辰蔡公孫

姓帥師滅沈以沈子嘉歸殺之五月公及諸

侯盟于臯鼬召陵會劉子諸侯。摠言之也。繁昌縣東南有城臯亭。復稱公者。

杞伯成卒于會無傳。六月葬

陳惠公無傳。許遷于容城無傳。秋七月公至自會

傳劉卷卒無傳。即劉蚩也。劉子奉命出盟。召陵死則天王為告同盟。故不具爵。

葬杞悼公無傳。楚人圍蔡不。服。免。反。蚩。扶。粉。反。

晉士鞅衛孔圉帥師伐鮮虞無傳。孔圉。孔羈。孫。士鞅。即范鞅。

葬劉文公無傳。冬十有一月庚午蔡侯以吳子

及楚人戰于柏舉楚師敗績師能左右之曰。以。皆。陳。曰。戰。大。

崩。曰。敗。績。吳。為。蔡。計。楚。從。蔡。計。謀。故。書。蔡。侯。以。吳。子。言。能。左。右。之。也。囊。瓦。稱。人。貪。以。致。敗。

不能死難罪賤之。柏舉楚地。昭三十一年傳。曰。六年十二月庚辰吳其入郢。今以十一月

者。奔。數。閏。反。楚囊瓦出奔鄭書名。惡之。庚

辰吳入郢

弗地曰入。吳不稱子。史略文。

傳四年春三月劉文公合諸侯于召陵謀伐

楚也

文公王官伯也。晉人假王命以討。計諸侯。晉荀

寅求貨於蔡侯弗得言於范獻子曰國家方

危諸侯方貳將以襲敵不亦難乎水潦方降

疾瘡方起中山不服

中山鮮虞

弃盟取怨無損於

楚

晉楚同盟伐之為取怨

而失中山不如辭蔡侯吾自

方城以來楚未可以得志

晉敗楚侵方城。在襄十六年。祗

取勤焉乃辭蔡侯晉人假羽旄於鄭鄭人與

之

析羽為旌。王者遊車之所建。鄭私有之。因謂之羽旄。借觀之。

明日

或旆以會

或賤者也。繼旆曰旆。令賤人施其旆。執以從會。示卑鄭。施步貝反。

呈力晉於是乎失諸侯

傳言晉無禮。所以遂弱。

將會衛

子行敬子言於靈公

子行敬子。衛大夫。

曰會同難

宜嘖有煩言莫之治也

嘖至也。煩言忿爭。嘖仕責反。一音責。

其使祝佗從

祝佗。太祝子魚。徒何反。從才用反。

公曰善乃

使子魚子魚辭曰臣展四體以率舊職猶懼

不給而煩刑書若又共二

共二職。共音恭。

徼大罪

也且夫祝社稷之常隸也

隸賤臣也。

社稷不動祝

不出竟官之制也

社稷動謂國遷

君以軍行被社釁

鼓

師出先有事被禱於社謂之宜社於是殺牲以血塗鼓鼙為釁鼓

祝奉以從

奉社主也如字又才用反

於是乎出竟若嘉

好之事

謂朝會反呼報反

君行師從

二千五百人

卿行旅

從

五百人

臣無事焉公曰行也及臯鼬

將長

蔡於衛

佗私於萇弘曰

欲令蔡先衛軟長丁女

衛侯使祝

將先衛信乎萇弘曰信蔡叔康叔之兄也

先衛不亦可乎子魚曰以先王觀

周公兄康叔周公弟

之則尚德也昔武王克商成王定之選建明

德以藩屏周故周公相王室以尹天下

於周為睦

睦親厚也盛德見親厚

分魯公以大路大旂

魯公伯禽也此大路金路錫同姓諸侯車也交龍為旂周禮同姓以封分扶問反下並

夏后氏之璜

璜美玉名

封父之繁弱

封父古諸侯也繁弱

殷民六族條氏徐氏蕭氏索氏長

勺氏尾勺氏使帥其宗氏輯其分族將其類

醜

醜衆也索素各反勺酉市灼反輯音集又音緝

以法則周公用即

命于周

即就也使六族就周受周公之法

是使之職事于魯

共魯公之職事以昭周公之明德昭顯也分之土田陪

敦陪增也敦厚也祝宗卜史大祝宗人太卜太史凡四官

備物典策典策春秋之制官司彝器官司百官也彝器常用器因

商奄之民商奄國名也與四國流言或近彼

命以伯禽伯禽周公世子時周公唯遣而

封於少皞之虛少皞虛曲阜也分康叔

以大路少帛康叔衛之祖績苳旃旌少帛雜帛也

大呂染草名也通帛為旃析羽為旌殷民

七族陶氏施氏繁氏錡氏樊氏饑氏終葵氏

封畛土略自武父以南及圃田之北竟所經塗

取於有閭之士以共王職有閭衛所受朝宿邑蓋近京畿

於相土之東都以會王之東蒐為湯沐邑王

聘季授土聘季周公弟司陶叔授

命以康誥而封於殷虛康誥周書殷

皆啓以商政疆以周索皆魯衛也啓開也居

分唐叔唐叔晉以大路密

須之鼓密須國名闞鞞甲名沽洗鐘名

用其政疆理土地以周法索法也

分唐叔唐叔晉以大路密

須之鼓密須國名闞鞞甲名沽洗鐘名

用其政疆理土地以周法索法也

分唐叔唐叔晉以大路密

懷姓九宗。職官五正。

懷姓。唐之餘民。九宗。一姓為九族。職官五正。五

官之長。長丁。丈反。下長衛同。

命以唐誥。而封於夏虛。

篇名也。夏虛。大夏。今大原。晉陽也。

啓以夏政。疆

以戎索。

大原近戎。而寒。不與中國同。故自以戎法。

三者皆叔也。而

有令德。故昭之以分物。不然。文武成康之伯

猶多。而不獲。是分也。唯不尚年也。管蔡啓商。

其間王室。

其毒也。周公攝政。管叔。蔡叔。開道。紂子祿父。以毒亂王室。其音忌。

間去聲。

王於是乎殺管叔。而蔡蔡叔。

周公稱王。命以討二

叔。蔡放也。蔡蔡。上素達反。下如字。

以車七乘。徒七十人。

徒而放之。

其子蔡仲。改行帥德。周公舉之。以為己

卿士。

為周公臣。見諸王。而命之以蔡。

命為蔡侯。見賢遍反。

其命書云。王曰。胡。無若爾考之違王命也。

仲名。若之。何其使蔡先衛也。武王之母弟八人。

周公為大宰。康叔為司寇。聃季為司空。五叔

無官。豈尚年哉。

五叔。管叔。鮮。蔡叔。度。成。叔。武。霍叔。處。毛叔。聃也。先悉薦。

曹文之昭也。

文王子。與周公異母。昭上饒反。

晉武之穆

也。曹為伯甸。非尚年也。

武王。伯甸。服言小。今將

尚之。是反先王也。晉文公為踐土之盟。衛成

公不在夷叔其母弟也猶先蔡

踐土召陵二會經書蔡在

衛上。霸主以國大小之序也。子魚所言盟軟之次。

其載書云王若曰

晉重

文公。直龍反。

魯申

公。僖。

衛武

叔。

蔡甲午

捷

文公。

齊潘

昭公。

宋王臣

成公。

莒期

公也。齊序鄭下。周之宗盟異姓為後。藏在周府可覆視也。吾子

欲復文武之略

略道也。

而不正其德將如之何

莒弘說告劉子與范獻子謀之乃長衛侯於

盟反自召陵鄭子大叔未至而卒晉趙簡子

為之臨甚哀曰黃父之會

在昭二十五年。說音悅臨力鳩反。

夫子語我九言曰無始亂無怙富無恃寵無

違同無敖禮無驕能

以能驕人。語魚。

無復

怒

復重也。復扶又反。

無謀非德

非所謀也。

無犯非義

傳言簡子。

能用善言。所以遂興。沈人不會于召陵晉人使蔡伐之

夏蔡滅沈秋楚為沈故圍蔡伍員為吳行人

以謀楚楚之殺郤宛也

在昭二十七年。負音云。

伯氏之

族出

郤宛黨。

伯州犁之孫嚭為吳大宰以謀楚

楚自昭王即位無歲不有吳師蔡侯因之以

其子乾與其大夫之子為質於吳冬蔡侯吳

子。唐侯伐楚。

唐侯不書。兵屬於吳。蔡。晉。鄙。反。

舍舟于淮汭。

吳乘舟從淮來。過蔡而舍之。舍音赦。又音捨。

自豫章與楚夾漢。

漢東江

北地名。左司馬戍謂子常曰。子沿漢而與之。

上下。

浴。緣也。緣漢上。下。遮使勿渡。

我悉方城外以毀其舟。

以方城外。人。毀吳所舍舟。

還塞大隧。直轅冥阨。

三者。漢東之隘道。

冥如字。或作冥。阨於懈反。

子濟漢而伐之。我自後擊之。必

大敗之。既謀而行。武城黑謂子常

黑。楚武城大夫。曰。

吳用木也。我用革也。

用軍器。

不可久也。不如速

戰。史皇謂子常。楚人惡子而好司馬。

史皇。楚大夫。司

馬。沈尹戍。

若司馬毀吳舟于淮。塞城口而入。

城口。三隘。

道名。

是獨克吳也。子必速戰。不然不免。乃濟

漢而陳。自小別至于大別。

禹貢。漢水至大別。南入江。然則此二

別在江夏界。陳直觀反。下陳干同。

三戰。子常知不可。欲奔。

知

不可勝。

史皇曰。安求其事。

求知政事。

難而逃之。將何

所入。子必死之。初罪必盡說。

言致死以克吳。可以免貪賄致

寇之罪。難乃且反。

十一月庚午。二師陳于柏舉。

經所

戰。二師。吳楚師。

闔廬之弟夫槩王。晨請於闔廬曰。楚

瓦不仁。

瓦。子常名。

其臣莫有死志。先伐之。其卒必

奔而後大師繼之必克弗許夫槩王曰所謂臣義而行不待命者其此之謂也今日我死楚可入也以其屬五千先擊子常之卒子常之卒奔楚師亂吳師大敗之子常奔鄭史皇以其乘廣死以戰死。乘繩。證反。廣古曠反。吳從楚師及清發清發水名。將擊之夫槩王曰困獸猶鬪況人乎若知不免而致死必敗我若使先濟者知免後者慕之蔑有鬪心矣半濟而後可擊也從之又敗之楚人為食吳人及之奔食而從之

敗諸雍澁五戰及郢

奔食。食者走不陳。故不在戰數。澁市制反。

己卯楚子取其妹季芊畀我以出涉睢

睢水出新

城昌魏縣東南至枝江縣入江是楚王西走。芊面爾反。楚姓。季芊畀我皆平王女也。一

云。畀我。季芊之字。睢七餘反。下同。

鍼尹固與王同舟王使執

燧象以奔吳師

燒火燧繫象尾。使赴吳。庚辰。師驚却之。鍼之林反。

吳入郢以班處宮

以尊甲班次。子山處令尹

之宮

王子山。吳

夫槩王欲攻之懼而去之夫槩

王入之

入令尹宮也。言吳無禮。所以不能遂克。

左司馬戍及息

而還

息汝南新息也。聞楚敗故還。

敗吳師于雍澁傷先敗



吳師而身被創。初，司馬臣闔廬故恥為禽焉。

○創初良反。司馬嘗在吳為闔廬謂其臣曰誰能免吾首。臣是以今恥於見禽。

吳句卑曰：臣賤，可乎？司馬曰：我實失子，可哉。

○失不知子賢反。句古侯反。三戰皆傷，曰：吾不可用也已。句

卑布裳，剄而裹之。○司馬已死，剄取其首。劉古頂反。藏其身

而以其首免。○傳言司馬之忠壯。楚子涉睢，濟江，入于

雲中。○入雲夢澤中，所謂江南。王寢盜攻之，以

戈擊王。王孫由于以背受之，中肩。王奔，鄖鍾

建負季芊以從。○鍾建楚大夫。鄖音由于徐

蘇而從。○以背受戈，故鄖公辛之弟懷將弑王。

曰：平王殺吾父，我殺其子，不亦可乎？○辛蔓成

○鬪辛也。昭十四年，楚平王殺成然。殺如字。又申志反。下同。辛曰：君討臣

誰敢讎之？君命天也。若死天命，將誰讎？詩曰：

柔亦不茹，剛亦不吐，不侮矜寡，不畏彊禦。唯

仁者能之。○詩大雅。言仲山甫不辟彊陵弱。茹音汝。矜古頑反。違彊陵

弱，非勇也。乘人之約，非仁也。滅宗廢祀，非孝

也。○弑君罪。應滅宗。動無令名，非知也。必犯是，余將殺

女。鬪辛與其弟巢以王奔隨。吳人從之，謂隨

人曰周之子孫在漢川者楚實盡之天誘其

衷致罰於楚而君又竄之音竄匿也周室

何罪君若顧報周室施及寡人以將天衷音將成

也音施反君之惠也漢陽之田君實有之楚子

在公宮之北音隨公也吳人在其南子期似王音子

昭王兄公音結也逃王而已為王曰以我與之王必

免隨人卜與之不吉乃辭吳曰以隨之辟小

而密邇於楚楚實存之世有盟誓至于今未

改若難而弃之何以事君執事之患不唯一

人音人楚王若鳩楚竟敢不聽命吳人

乃退鳩安集也鑪金初宦於子期氏實與隨

人要言音無以楚王與吳并欲脫王使見

王喜其意欲引見之音現辭曰不敢以約

為利此約謂要言也此一時之事非為德舉

又於王割子期之心以與隨人盟音當心前割

至心初伍員與申包胥友音包胥楚大夫其亡也謂

申包胥曰我必復楚國音復報申包胥曰勉之

子能復之我必能與之及昭王在隨申包胥

如秦乞師曰吳為封豕長蛇以荐食上國

也言吳貪害如蛇豕也。荐在薦反。數音朔。虐始於楚寡君失守社

稷越在草莽使下臣告急曰夷德無厭若鄰

於君疆場之患也

吳有楚則與秦鄰。莽莫蕩反。逮吳之未

定君其取分焉

與吳共分楚地。取分扶問反。若楚之遂亡

君之士也若以君靈撫之世以事君

撫存恤也。秦伯使辭焉曰寡人聞命矣子姑就館將圖而

告對曰寡君越在草莽未獲所伏

伏猶處也。下臣何敢即安立依於庭牆而哭日夜不絕聲勺

飲不入口七日秦哀公為之賦無衣

詩秦風。取其王于興師。脩我戈矛。與子同仇。與子偕作。九頓與子偕行。勺市灼反。又音灼。為去聲。

首而坐

無衣三章。秦師乃出。為明年包胥以秦師至張本。經五年春王三月辛亥朔日有食之

無夏歸。粟于蔡。蔡為楚所圍。飢於越入吳。於發聲也。六月

丙申季孫意如卒秋七月王子叔孫不敢卒

無冬。晉士鞅帥師圍鮮虞。傳五年春王人殺子朝于楚。因楚亂也。終夏歸粟于蔡以周亟。矜無資也。越入吳。吳在

也。亟急。

楚也。六月，季平子行東野。東野，季氏邑。行

還未至。丙申，卒于房。陽虎將以璵璠斂。璵璠，

美玉。君所佩。璵音煩。又方煩反。仲梁懷弗與。懷亦季氏家臣。曰：

改步改玉。昭公之出，季孫行君事，佩璵璠。祭宗廟，今定公立，復臣位，改君步，則

亦當去璵璠。陽虎欲逐之，告公山不狃。不狃

曰：彼為君也，子何怨焉？不狃，季氏臣。費宰子洩也。為君，不欲使僭

偽為于反。既葬，桓子行東野。桓子，季孫斯。及費子

洩為費宰，逆勞於郊。桓子敬之，勞仲梁懷。仲

梁懷弗敬洩。懷時從桓子行，輕慢子洩。勞力報反，下同。子洩怒，謂

陽虎子行之乎？行，逐懷也。為下。申包胥以秦

師至。秦子蒲子虎帥車五百乘以救楚。五百，

萬七千人。子蒲曰：吾未知吳道。道猶法術。使楚人先

與吳人戰，而自稷會之。大敗夫槩王于沂。沂，

皆楚地。吳人獲遠，射於柏舉。遠射，楚大夫。射食亦反，又食夜反。

其子帥奔徒。奔徒，楚散卒。以從子西，敗吳師於軍

祥。楚地。秋七月，子期子蒲滅唐。從吳伐楚故。九月，夫

槩王歸，自立也。以與王戰而敗。自立為吳王，號夫槩。奔

楚，為堂谿氏。傳終。吳師敗楚師于雍澨。秦師

又敗吳師。吳師居麋。麋地名。九倫反。子期將焚之。

子西曰：父兄親暴骨焉，不能收，又焚之，不可。

前年楚人與吳戰，多死麋中。言不可并禁。暴步十反。子期曰：國亡矣。

死者若有知也，可以歆舊祀。言焚吳復楚，則祭祀不廢。豈

憚焚之，焚之而又戰。吳師敗，又戰于公壻之

谿。楚地名。吳師大敗，吳子乃歸，囚闔與罷闔與

罷，請先遂逃歸。與罷楚大夫。請先至吳而逃。

之。所以不克。闔音因。輿音餘。又羊汝反。罷音皮。葉公諸梁之弟后

臧從其母於吳，不待而歸。諸梁司馬沈尹戌之子。葉公子高也。

吳入楚，獲后臧之母。楚定臧弃母而歸。葉舒涉反。從如字。又才用反。葉公終

不正視。不義。乙亥，陽虎囚季桓子及公父文

伯。文伯季桓子從父昆弟也。陽虎欲為亂，恐二子不從，故囚之。而逐仲梁

懷。冬十月乙亥，殺公何藐。藐季氏族。彌小反。藐亡

已丑，盟桓子于稷門之內。魯南門。庚寅，大詛逐

公父歆及秦遄，皆奔齊。歆即文伯也。秦遄平子姑壻也。傳言季氏

之亂。昌欲反。詛莊慮反。歆昌欲反。遄市專反。楚子入于郢。吳師初鬪

辛聞吳人之爭宮也，曰：吾聞之，不讓則不和。

不和，不可以遠征。吳爭於楚，必有亂。有亂則

必歸焉能定楚王之奔隨也將涉於成曰江

竟陵縣有曰水出聊屈山西南入漢。屈其勿反。又君勿反。藍尹亶涉其

帑亶楚大夫。亶亡匪反。帑音奴。不與王舟及寧王欲殺之

寧安。子西曰子常唯思舊怨以敗君何效焉。

王曰善使復其所吾以志前惡惡過也。王賞鬪

辛王孫由于王孫圉鍾建鬪巢申包胥王孫

賈宋木鬪懷九子皆從王有大功者子西曰請舍懷也

以初謀弒王也。舍音捨又音赦。王曰大德滅小怨道也終

其兄免王大難是大德申包胥曰吾為君也非為身也

君既定矣又何求且吾尤子旗其又為諸子

蔓成然也。以有德於平王。求欲無厭。平王遂殺之。在昭十四年。為君為身于偽反。遠

逃賞王將嫁季芊季芊辭曰所以為女子遠

丈夫也鍾建負我矣以妻鍾建以為樂尹司樂

大夫。遠于萬反。妻七計反。王之在隨也子西為王輿服

以保路國于脾洩脾洩楚邑也。失王恐國人潰散故偽為王車服立國

脾洩以保安道路人聞王所在而後從王王使由于城

麋於麋築城復命子西問高厚焉弗知子西曰不

能如辭言自知不能當辭勿行城不知高厚小大何知

對曰。固辭不能。子使余也。人各有能有不能。王遇盜於雲中。余受其戈。其所猶在。袒而示之背。曰。此余所能也。脾洩之事。余亦弗能也。  
傳言昭王所以復國。有賢臣也。袒音但。晉士鞅圍鮮虞。報觀虎之役也。  
獲晉觀虎。

經六年春。王正月癸亥。鄭游速帥師滅許。以許男斯歸。  
游速。犬叔子。二月。公侵鄭。公至自侵鄭。無傳。夏季。孫斯仲孫何忌如晉。秋。晉人執宋行人樂祁犁。  
稱行人。言非其罪。冬。城中城。無傳。公為晉人。

城季孫斯仲孫忌帥師圍鄆。  
無傳。何忌不言。何。史闕文。鄆。貳。

於齊。故圍之。

傳六年春。鄭滅許。因楚敗也。二月。公侵鄭。取

匡。為晉討鄭之伐胥靡也。  
胥靡。周地也。周僖公。因鄭人以作亂。

鄭為之伐。胥靡。故晉使魯討之。匡。鄭地。取匡。不書。歸之晉。  
僖丁甘反。往不假

道於衛。及還。陽虎使季孟自南門入。出自東

門。  
陽虎將逐三桓。欲使得罪於鄰國。舍於豚澤。衛侯怒。使彌

子瑕追之。  
彌子瑕。衛大夫。公叔文子老矣。  
文子。公叔發。

輦而如公。曰。尤人而效之。非禮也。昭公之難。

君將以文之舒鼎衛文公之鼎成之昭龜寶定之

鞶鑑鞶帶而以鏡為飾也。今西方羌胡猶然。古之遺服。苟可以

納之擇用一焉公子與二三臣之子諸侯苟

憂之將以為之質魯昭公為質求納此羣臣之所聞

也今將以小忿蒙舊德蒙覆也無乃不可乎大

姒之子大姒文王妃唯周公康叔為相睦也而效

小人以弃之不亦誣乎天將多陽虎之罪以

斃之君姑待之若何乃止止不伐魯師夏季桓子

如晉獻鄭俘也獻此春取匡之俘陽虎強使孟懿子

往報夫人之幣虎欲因辱三桓并求媚於晉故強使正卿報晉夫人之聘

晉人兼享之賤魯故不復兩設禮孟孫立于

房外謂范獻子曰陽虎若不能居魯而息肩

於晉所不以為中軍司馬者有如先君稱先君以

徵其言若欲使晉必厚待之獻子曰寡君有官將使其人

擇得其人鞅何知焉獻子謂簡子曰魯人患陽虎

矣孟孫知其釁以為必適晉故強為之請以

取入焉欲令晉人聞虎當逃走故強設請託之辭因此言以入晉令晉素知之

釁許斬反為之于偽反四月己丑吳太子終纍敗楚舟



師終纍。蓋廬子。夫差兄。舟師。水戰。纍。獲潘

子臣。小惟子二子。楚舟師之帥。及大夫七人。楚國大

惕。懼亡。子期又以陵師敗于繁揚陸軍。令尹

子西喜曰。乃今可為矣。言知懼而後可治。於是乎遷

郢於都。而改紀其政。以定楚國。傳言楚賴子西以安。都

若音周儋翩率王子朝之徒。因鄭人將作亂于

周。儋。朝餘黨。子鄭於是乎伐馮滑。胥靡負黍。狐人

闕外。鄭伐周。六邑。在魯。伐鄭。取匡前。於此見

反。見賢遍。下同。六月。晉閻沒戍周。且城胥靡。為下

出居姑。起。秋八月。宋樂祁言於景公曰。諸侯唯

我事晉。今使不往。晉其憾矣。樂祁告其宰陳

寅。以與公言告。之。使去聲。陳寅曰。必使子往。他日。公謂

樂祁曰。唯寡人說子之言。子必往。陳寅曰。子

立後而行。吾室亦不亡。寅知晉政多門。往必

而行。說音悅。唯君亦以我為知難而行也。見溷而

行。溷。樂祁子也。見於君。立以為趙簡子逆而

飲之酒於縣上。獻楊楮六十於簡子。楊。木名。楮。食

允反。又音允。陳寅曰。昔吾主范氏。今子主趙氏。又

有納焉。以楊楯賈禍，弗可為也。已。

知范氏必怨將得禍

音古賈然子死，晉國子孫必得志於宋。

以其為國死

范獻子言於晉侯曰：「以君命越疆而使，未致。」

使而私飲酒，不敬二君，不可不討也。乃執樂

祁獻子，怒祁比、趙氏。陽虎又盟公及三桓於

周社，盟國人于亳社，詛于五父之衢。

桓微陪

臣專政為八年冬十二月，天王處于姑猶。

地辟儋翩之亂也劉逆王起。

經七年春，王正月。夏四月，秋，齊侯、鄭伯盟于

鹹，齊人執衛行人北宮結以侵衛。

稱行人非使人

之齊侯、衛侯盟于沙，結叛晉也。陽平元

無傳也。齊國夏，帥師伐我西鄙，九月大雩。

無傳也冬十月

傳七年春，二月，周儋翩入于儀栗，以叛。

齊人歸鄆、陽關、陽虎居之，以為政。

於齊齊今歸之不書夏四月，單武公、劉

桓公、子文公、敗尹氏于窮谷。

侯、鄭伯盟于鹹，徵會于衛，衛侯欲叛晉。

屬齊也。諸大夫不可使北宮結如齊而私於齊。

侯曰：執結以侵我，懼諸大夫，齊侯從之。乃盟。

于瑣。瑣即沙也。為明年涉佗按。齊國夏伐我。

陽虎御季桓子。公斂處父御孟懿子。處

將宵軍齊師。齊師聞之，墮伏而待之。墮毀其軍以誘敵。而處父曰：

虎不圖禍而必死。而女也。音汝。苦夷曰：虎陷二

子於難。苦夷。季氏家臣。二子。始占反。不待有司，余必

殺女。虎懼，乃還不敗。傳言陪臣強能自相制。季孟不敢有心。冬

十一月戊午，單子、劉子逆王于慶氏。慶氏。守姑。猶大


夫。晉籍秦送王。己巳，王入于王城。己巳。十二

月。無館于公族黨氏。黨氏。周大夫。音掌。而後朝于

莊宮。莊主廟也。

春秋經傳集解定公上第二十七

春秋經傳集解定公上第二十七



春秋經傳集解定公下第二十八  
中取壹  
杜氏  
盡十五年  
春秋經傳集解定公下第二十八  
中取壹  
杜氏  
盡十五年

春秋經傳集解定公下第二十八

杜氏

盡十五年

經八年春王正月公侵齊報前年代我西鄙公至自

侵齊無傳二月公侵齊未得志故三月公至自侵齊

無傳曹伯露卒無傳四年盟臯馳由又反夏齊國夏帥師

伐我西鄙公會晉師于瓦瓦衛地將來救魯公逆會之東郡燕

縣東北有瓦亭公至自瓦無傳秋七月戊辰陳侯柳卒

無傳四年盟臯馳晉士鞅帥師侵鄭遂侵衛兩事故

葬曹靖公無傳九月葬陳懷公無傳三月季孫

左傳卷二十七 十一

斯仲孫何忌帥師侵衛冬衛侯鄭伯盟于曲

濮無傳結叛晉從祀先公從順也先公閔公

之位次所順非一盜竊寶玉大弓盜謂陽虎

親盡故通言先公名氏不見故曰盜寶玉夏后氏之

傳八年春王正月公侵齊門于陽州攻其士

皆坐列言無曰顏高之弓六鈞顏高魯人三

鈞百八十斤古稱重故以為皆取而傳觀之

陽州人出顏高奪人弱弓籍丘子鉏擊之與

一人俱斃子鉏齊人也偃且射子鉏中頰殪子

死且如字顏息射人中眉顏息退曰我無

勇吾志其目也矜自師退冉猛偽傷足而先

猛魯人其兄會乃呼曰猛也會見師退而

欲先歸殿猛不在列乃二月己丑單

子伐穀城劉子伐儀栗討儋翩之黨穀城在

辛卯單子伐簡城劉子伐孟以定王室傳終

亂趙鞅言於晉侯曰諸侯唯宋事晉好逆其

使猶懼不至今又執之是絕諸侯也將歸樂

祁士鞅曰三年止之無故而歸之宋必叛晉

執樂祁在六年獻子私謂子梁獻子范鞅曰。

寡君懼不得事宋君。是以止子。子姑使溷代。

子溷樂祁子。溷侯子梁以告陳寅。陳寅曰。

宋將叛晉。是弃溷也。不如待之。留待。勿以樂

祁歸卒于大行。大行。晉東南山。大音衡士鞅

曰。宋必叛。不如止其尸。以求成焉。乃止諸州。

州。晉地。為明年宋公使樂大心如晉張本公侵齊。攻廩丘之郭。

主人焚衝車。或濡馬褐以救之。馬褐。馬衣遂

毀之。郭。毀主人出師奔。攻郭人少。故遣陽虎偽

不見冉猛者。曰。猛在此必敗。陽州之役。猛先

復敗。復猛逐之。顧而無繼。偽顛。逐廩丘人虎曰。

盡客氣也。言皆客氣。非勇苦越生子。將待事而名之。

苦越。苦夷。苦式占反陽州之役。獲焉。名之曰陽州。欲

如比僑夏齊國。夏高張伐我西部。鄙。報上侵晉士鞅

趙鞅荀寅救我。救不書。齊師已去。未入竟公會晉師于瓦

范獻子執羔。趙簡子中行文子。皆執鴈。魯於

是始尚羔。獻子士鞅也。簡子趙鞅也。中行文子荀寅也。禮。卿執羔。大夫執鴈。魯

則同之。令始知執羔之尊也。卿不書。禮不敵公。史略之晉師將盟衛侯

于鄆澤

自瓦還。就衛地盟。鄆音專。又市轉反。

趙簡子曰：羣臣

誰敢盟衛君者？

前年衛叛，晉屬齊。簡子意欲推辱之。

涉佗成何

曰：我能盟之。

二子。晉大夫。

衛人請執牛耳。

盟禮。尊者。涖牛。

耳。主。次。盟者。衛侯與晉大夫。盟。自以當涖牛耳。故請。

成何曰：衛吾温原

也。焉得視諸侯

言衛小。可比晉縣。不得從諸侯禮。

將敵涉佗

拔衛侯之手及挽。

拔。擠也。血至挽。反。挽。烏喚反。擠。

敵所洽。

子計反。衛侯怒。王孫賈趨進。

賈。衛大夫。

曰：盟以信禮

也。

信猶明也。

有如衛君。其敢不唯禮是事。而受此

盟也。

言晉無禮。不欲受其盟。

衛侯欲叛晉而患諸大夫。

王孫賈使次于郊。大夫問故。

問不。入故。公以晉詬

語之。

詬。取也。豆反。語。魚據反。呼。

且曰：寡人辱社稷。其改

卜嗣。寡人從焉。

使改卜。他公子以嗣。先君。我從大夫所立。

大夫曰：

是衛之禍。豈君之過也。公曰：又有患焉。謂寡

人必以而子。與大夫之子為質。

為質。於晉。

大夫曰：

苟有益也。公子則往。羣臣之子。敢不皆負羈

縶以從。將行。王孫賈曰：苟衛國有難。工商未

嘗不為患。使皆行而後可。

欲以激怒國人。縶。息列反。從。才用。

公以告大夫。乃皆將行之。行有日。

有期。公反。

朝國人使賈問焉曰若衛叛晉晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許秋晉士鞅會成桓公侵鄭圍蟲牢報伊闕也桓公周卿士不書監帥不親侵也六年鄭伐周闕外晉為周報之古銜反遂侵衛討九月師侵衛晉故也魯為晉討衛季寤季桓子之弟公鉏極公彌曾孫桓子族子公山不狃費皆不得志於季氏叔孫輒無寵於叔孫氏宰輒叔孫氏之庶子叔仲志不得志於魯志叔孫帶之

所故五人因陽虎陽虎欲去三桓以季寤更

季氏代桓子音庚舊古孟反下同以叔孫輒更叔

孫氏代武已更孟氏陽虎自冬十月順祀先

公而祈焉將作大事欲辛卯禘于僖公十月

壬辰將享二日不於大廟者順祀之義當退僖公懼於僖神故於僖廟行順祀

季氏于蒲圃而殺之戒都車曰癸巳至都邑

成宰公車也陽虎欲以壬辰夜殺季孫明日

斂處父告孟孫曰季氏戒都車何故孟孫曰

吾弗聞處父曰然則亂也必及於子先備諸



與孟孫以壬辰為期處父期以兵救孟氏陽

虎前驅林楚御桓子虞人以鉞盾夾之陽越

殿越陽虎從弟。鉞音皮。反。盾音允。又音允。將如蒲圃桓子咋

謂林楚咋暫也。詐也。曰而先皆季氏之良也爾

以是繼之欲使林楚免已於難。繼其先人之良。對曰臣聞命

後後猶晚也。陽虎為政魯國服焉違之徵死死無

益於主桓子曰何後之有而能以我適孟氏

乎對曰不敢愛死懼不免主桓子曰往也必言

往孟氏選圍人之壯者三百人以為公期築

室於門外實欲以備難。不欲使人知。故偽築

子林楚怒馬及衢而騁騁馳也。陽越射之不中

築者闔門季孫既得入。乃閉。射食亦反。有自門間射陽

越殺之陽虎劫公與武叔武叔。叔孫不敢以

伐孟氏公斂處父帥成人自上東門入魯東

門北與陽氏戰于南門之內弗勝又戰于棘下

城內地名陽氏敗陽虎說甲如公宮取寶玉大弓

以出舍于五父之衢寢而為食其徒曰追其

將至虎曰魯人間余出喜於徵死何暇追余

徵召也。陽虎召季氏於蒲圃。將殺之。今從者得脫必喜。故言喜於召死。○說他活反。

曰。嘻。速駕。公斂陽在。公斂陽請追之。孟

孫弗許。陽欲殺桓子。孟孫

懼而歸之。子言辨舍爵於季氏之廟而

出。飲酒示無懼。辨猶周徧也。徧告廟如字。陽虎入于

謹陽關以叛。鄭駟歛嗣子大叔

為政。殺鄧析張本。歛市專反。自門問

經九年春王正月夏四月戊申鄭伯蠆卒

得寶玉大弓。以為榮。失之足以為辱。

故重而書之。六月葬鄭獻公。秋齊

侯衛侯次于五氏。秦伯

卒。葬秦哀公。

傳九年春宋公使樂大心盟于晉且逆樂祁

之尸。辭偽有疾。乃使向巢如晉盟且逆子梁

之尸。子明謂桐門右師出。樂祁

衰絰而子擊鐘。何也。右師

曰。喪不在此故也。既而告人曰。已衰絰而生

子。余何故舍鐘。已。子明也。舍音捨。子明聞之怒。言於

公曰。右師將不利。戴氏樂氏。戴公族。不肯適晉。將

作亂也。不然無疾。乃逐桐門右師。逐之在明年。終叔孫

昭子。鄭駟欲殺鄧析。而用其竹刑。鄧折。鄭大夫。欲改鄭

所鑄舊制。不受君命。而私造刑法。書之於竹簡。故言竹刑。君子謂子然於

是不忠。苟有可以加於國家者。弃其邪可也。

加猶益也。弃不責其邪惡也。靜女之三章。取彤管焉。詩邶

言靜女三章之詩。雖說美女。義在彤管。竿旄

何以告之。取其忠也。詩鄘風也。錄竿旄詩者。取其中心願告人以善

道也。言此二詩。皆以一善見。而鄧析不以一善存身。故用其道。不弃

其人。詩云。蔽芾甘棠。勿剪勿伐。召伯所茇。詩

南也。召伯決訟於蔽芾甘棠之下。詩人思之。不伐其樹。茇草舍也。思其人。猶

愛其樹。況用其道。而不恤其人乎。子然無以

勸能矣。傳言子然嗣大叔。夏陽虎歸寶玉大

弓。無益近用。而祇為名。書曰。得器用也。凡獲

器用曰得。器用者。謂物之成。得用焉。曰獲。謂

器物以有獲。若麟。為田獲。俘為戰獲。六月。伐陽關。計陽陽虎使

焚萊門。邑門。師驚犯之。而出奔齊。請師以伐

魯曰三加必取之三加兵齊侯將許之鮑文

子諫曰臣嘗為隸於施氏矣施氏魯大夫文子鮑國也成十四

七年齊人召而立之至今七十四歲於是文子蓋九十餘矣魯未可取也

上下猶和衆庶猶睦能事大國大國晉也而無天

菑若之何取之陽虎欲勤齊師也齊師罷大

臣必多死亡已於是乎奮其詐謀夫陽虎有

寵於季氏而將殺季孫以不利魯國而求容

焉求自容親富不親仁君焉用之君富於

季氏而大於魯國茲陽虎所欲傾覆也魯免

其疾而君又收之無乃害乎齊侯執陽虎將

東之陽虎願東陽虎欲西奔晉知齊必反已故詐以東為願乃囚

諸西鄙盡借邑人之車鑿其軸麻約而歸之

鑿刻也欲絕追者載葱靈寢於其中而逃葱靈輜車

名葱初江反或音忽追而得之囚於齊又以葱靈逃

奔宋遂奔晉適趙氏仲尼曰趙氏其世有亂

乎受人故秋齊侯伐晉夷儀為衛敝無存之父

將室之辭以與其弟無存齊人也曰此役也

不死反必娶於高國高氏國氏齊貴族也無存欲必有功還取卿相

之先登求自門出死於雷下既入城夷儀人不服故鬪死於

門屋雷下也東郭書讓登登城非人所樂故讓衆

字又五犁彌從之曰子讓而左我讓而右使

登者絕而後下恐書先下故又譎書左彌先

下書從彌言左行彌遂自先下亦讓也書與王猛息戰訖共猛

曰我先登書斂甲曰曩者之難今又難焉斂甲

起欲擊猛乃旦反猛笑曰吾從子如驂之

靳靳車中馬也猛不敢與書爭言已從書如

靳居反晉車千乘在中牟救夷儀也今熒陽有

衛侯將如五氏齊侯在五氏將往助之卜過之龜焦衛

五氏道過中牟畏晉故卜龜衛侯曰可也衛

車當其半寡人當其半敵矣衛侯怒晉甚不

當五乃過中牟中牟人欲伐之衛褚師圍亡

在中牟曰衛雖小其君在焉未可勝也齊師

克城而驕其帥又賤城謂夷儀也帥謂東遇

必敗之不如從齊乃伐齊師敗之獲齊車五

哀十齊侯致禚媚杏於衛三邑皆齊西界以

若齊侯賞犁彌犁彌辭曰有先登者臣從之

皙憤而衣狸製

皙。白也。憤。齒上下相值。製。裘也。憤音策。又音責。衣去聲。

公使視東郭書曰乃夫子也吾貺子

也。貺。賜也。

賞東郭書辭曰彼賓旅也

言彼與我若賓主相讓。旅俱進退。

乃賞犁彌齊師之在夷儀也齊侯謂夷儀人

曰得敝無存者以五家免

給其五家。令不共役事。乃得

其尸公三椹之

椹。衣也。比殯三加。椹深禮厚之。

與之犀軒與

直蓋

犀軒。卿車。直蓋。高蓋。

而先歸之坐引者以師哭之

停喪車以盡哀也。君方為位而哭。故挽喪者不敢立。

親推之三

齊侯自推喪車。

輪三轉。推如字。又他回反。

經十年春王三月及齊平

平前八年再侵齊之怨。

夏公

會齊侯于夾谷

平故。夾古洽反。又古協反。

公至自夾谷

傳無晉趙鞅帥師圍衛齊人來歸鄆謹龜陰田

三邑皆汶陽田也。泰山博縣北有龜山。陰田在其北也。會夾谷。孔子相。齊人服義而歸魯。

田。鄆音運。火官反。

叔孫州仇仲孫何忌帥師圍郕

郕。叔孫氏邑。音后。

秋叔孫州仇仲孫何忌帥師圍

郕宋樂大心出奔曹

傳在前年春。書名。罪其稱疾不適晉。

宋公

子地出奔陳

命書名。罪之也。以距君。

冬齊侯衛侯鄭

游速會于安甫

無傳。安甫。地闕。

叔孫州仇如齊宋公

之弟辰暨仲佗石彊出奔陳

暨與也。宋公寵向。不聽辰請。

辰忿而將大臣出奔。虛請自忿。稱弟。示首惡也。仲佗石彊皆為國卿。不能匡君靜難。而為辰所牽帥。出奔。稱名。亦罪之也。佗徒何。反。彊苦侯反。難乃且反。帥音率。

傳十年春及齊平夏公會齊侯于祝其實夾

谷

夾谷。即祝其也。

孔丘相

相會儀也。

犁彌言於齊侯曰孔

丘知禮而無勇若使萊人以兵劫魯侯必得

志焉

萊人。齊所滅萊夷也。劫居業反。

齊侯從之孔丘以公

退曰士兵之

以兵擊萊人。

兩君合好而裔夷之俘

以兵亂之

裔遠也。

非齊君所以命諸侯也裔不

謀夏夷不亂華俘不干盟兵不偪好於神為

不祥

盟將告神。犯之為不善。

於德為愆義於人為失禮

君必不然齊侯聞之遽辟之

辟去萊兵也。辟婢亦反。又音。

避去起呂反。

將盟齊人加於載書曰齊師出竟而

不以甲車三百乘從我者有如此盟

如此盟詛之禍。

孔丘使茲無還揖對

無還。魯大夫還音旋。

曰而不反

我汶陽之田吾以共命者亦如之

須齊歸汶陽田。乃當。

共齊命。於是孔子以公退。賤者終其事。要盟不絜。故略不書。共音恭。要一遙反。齊

侯將享公孔丘謂梁丘據曰齊魯之故吾子

何不聞焉

故舊典

事既成矣

會事成

而又享之是

勤執事也。且犧象不出門。嘉樂不野合。

犧象酒器

犧尊象尊也。嘉樂鐘磬也。○犧許宜反。又息河反。

饗而既具。是弃禮

也。若其不具。用秕稗也。

秕穀不成者。稗草之似穀者。言享不具禮。

穢薄若秕稗。○秕音鄙。稗皮賣反。

用秕稗君辱。弃禮名惡。子

盍圖之。夫享所以昭德也。不昭不如其已也。

乃不果享。

孔子知齊侯懷詐。故以禮距之。

齊人來歸鄆。謹龜

陰之田。

陽虎九年以此奔齊。經文倒者。次魯事。

晉趙鞅圍衛。報

夷儀也。

前年齊為衛伐晉夷儀。故伐衛以為報。

初衛侯伐邯鄲。

午於寒氏。

邯鄲廣平縣也。午晉邯鄲大夫。寒氏。○邯音丹。

城其西北而守之。宵燔。

午衆宵散燔子潛。

及晉圍衛。午以徒七十人。門於衛西門。殺

人於門中。曰。請報寒氏之役。

衛開門與午鬪。

涉佗曰。

夫子則勇矣。然我往。必不敢啓門。亦以徒七

十人。旦門焉。步左右皆至而立。如植。

至其門下。步行。

門左右。然後立待。如立木。不

日中不啓門。乃

退。反役。晉人討衛之叛。故曰。由涉佗成。何

衛援

侯手

於是執涉佗以求成於衛。衛人不許。晉



人遂殺涉佗。成何奔燕。君子曰：此之謂弃禮。

必不鈞。言必見殺。不詩曰：人而無禮，胡不遄

死。涉佗亦遄矣哉。詩。鄘風。遄，速也。初，叔孫成子欲立

武叔。公若藐固諫曰：不可。藐，叔孫氏之族。音邈。又亡小反。

成子立之而卒。公南使賊射之，不能殺。公南，叔孫

家臣。武叔之黨。射音石。公南為馬正，使公若為郈宰。武

叔既定，使郈馬正侯犯殺公若。弗能，其圍人

曰：武叔之圍人吾以劍過朝。公若必曰：誰之劍也。

吾稱子以告，必觀之。吾偽固而授之，末則可

殺也。偽為固，陋不知禮者。以劍鋒末授之。使如之。公若曰：爾欲

吳王我乎。見劍向已。逆呵之。縛諸殺。吳亦反。遂殺

公若。侯犯以郈叛。犯以不能副武叔之命，故叛。而以圍告廟，故書圍。

武叔懿子圍郈。弗克。秋，二子及齊師復圍郈。

弗克。叔孫謂郈工師駟赤。工師，掌工匠之官。復扶又反。曰：

郈非唯叔孫氏之憂，社稷之患也。將若之何。

對曰：臣之業在揚水。卒章之四言矣。揚水，詩。唐風。卒

章四言曰。我聞有命。叔孫稽首。謝其受命。駟赤謂侯犯曰：

居齊魯之際而無事，必不可矣。無所服事。子盍求

事於齊以臨民。不然將叛。侯犯從之。齊使至。

駟赤與郈人爲之。宣言於郈中。詐爲齊使言也。曰：侯

犯將以郈易于齊。齊人將遷郈民。謂易其民人。衆

兇懼。不欲遷。音凶。又上聲。駟赤謂侯犯曰：衆言異矣。

不與始同。子不如易于齊。與其死也。猶是郈也。而

得紓焉。何必此。言以郈民易取齊人。與郈無異。勝於守郈。爲叛人所殺。

齊人欲以此偪魯。必倍與子地。言非徒得民。又將得齊地。

且盍多舍甲於子之門。以備不虞。侯犯曰：諾。

乃多舍甲焉。侯犯請易于齊。齊有司觀郈將

至。駟赤使周走呼曰：齊師至矣。郈人大駭。介

侯犯之門甲。以圍侯犯。駟赤將射之。僞爲侯犯射郈

人。呼。侯犯止之曰：謀免我。侯犯請行。許之。

郈人許之。駟赤先如宿。宿。東平無鹽縣故宿國。侯犯殿。毋出

一門。郈人閉之。閉其後門。丁見反。及郭門。止之曰：

子以叔孫氏之甲出。有司若誅之。誅。責也。羣臣

懼死。駟赤曰：叔孫氏之甲有物。吾未敢以出。

物。識也。赤還救侯犯也。識申志反。又如字。犯謂駟赤曰：子止而

與之數。數甲以相付。數色主反。駟赤止而納魯人。侯犯

奔齊齊人乃致郕致其名簿也為武叔如齊傳宋公子地

嬖遽富獵地宋景公弟辰之十一分其室而

以其五與之與富獵也公子地有白馬四公嬖向

魋魋欲之向魋司馬桓魋也公取而朱其尾鬣以與

之與魋也地怒使其徒扶魋而奪之魋懼將走

公閉門而泣之目盡腫母弟辰曰子分室以

與獵也而獨卑魋亦有頗焉子為君禮禮君也

頗扶勅乙反不過出竟君必止子公子地出

奔陳公弗止辰為之請弗聽辰曰是我廷吾

兄也廷欺也廷求往反又古況反吾以國人出君誰與處

冬母弟辰暨仲佗石彊出奔陳佗仲幾子彊褚師段子皆

宋卿衆之所望故言國人武叔聘于齊謝致郕也經書辰奔在聘後者從告

齊侯享之曰子叔孫若使郕在君之他竟寡

人何知焉屬與敝邑際故敢助君憂之以致郕德

叔孫屬音燭對曰非寡君之望也所以事君封疆

社稷是以以為猶也敢以家隸勤君之執事夫不

令之臣天下之所惡也君豈以為寡君賜言義

在討惡非所以賜寡君

經十有一年春宋公之弟辰及仲佗石彊公

子地自陳入于蕭以叛蕭宋邑稱弟夏四月

秋宋樂大心自曹入于蕭入蕭從叛人叛冬

及鄭平平六年侵鄭叔還如鄭洎盟還叔詣

還音旋案世族譜叔還是叔弓曾孫此誤

傳十一年春宋公母弟辰暨仲佗石彊公子

地入于蕭以叛秋樂大心從之大為宋患寵

向魋故也惡宋公寵不冬及鄭平始叛晉也

魯自僖公以來世服於晉至今而叛故曰始

經十有二年春薛伯定卒無傳四年夏葬薛

襄公無傳叔孫州仇帥師墮郕墮毀也患其險

音怪又戶怪反衛公子孟彊帥師伐曹彊孟繫

苦侯反反繫季孫斯仲孫何忌帥師隨費秋大

雩無傳冬十月癸亥公會齊侯盟于黃無傳

晉十有一月丙寅朔日有食之無傳公至自黃

無傳十有二月公圍成公至自圍成無傳國內

成疆若列國興動大衆故出入皆告廟

傳十二年夏衛公孟彊伐曹克郊郊曹還滑

羅殿

羅。衛大夫。滑于八反。

未出。不退於列。

未出。曹竟。羅不退。在。

行。列其御曰。殿而在列。其為無勇乎。羅曰。與

其素厲。寧為無勇。

素。空也。厲。猛也。言伐小國。當如畏者。以誘致之。仲

由為季氏宰。

仲由。子路。

將墮三都。

三都。費。郕。成也。彊盛將為國害。

故仲由於是叔孫氏墮郕。季氏將墮費。公山

不狃。叔孫輒帥費人以襲魯。

不狃。費宰也。輒不得志於叔孫。

氏公與三子入于季氏之宮。登武子之臺。費

人攻之。弗克入。及公側。

至臺下。

仲尼命申句須

樂頎下伐之。

二子。魯大夫。仲尼時為。

司寇。句音劬。頎音祈。

費人北。

國人追之。敗諸姑蔑。二子奔齊。

二子。不狃。叔孫輒。遂

墮費。將墮成。公斂處父謂孟孫。墮成。齊人必

至于北門。

成在魯北。竟故。

且成孟氏之保障也。無成

是無孟氏也。子偽不知。

伴不知。

我將不墮。冬。十

二月。公圍成。弗克。

經。十有三年。春。齊侯。衛侯。次于垂葭。

二君將使師伐。

晉。次垂葭。以為之援。

夏。築蛇淵囿。

無傳。書。不時也。

大蒐于比蒲。

無傳。夏蒐。非時。比音毗。

衛公孟彊帥師伐曹。

無傳。秋。晉趙鞅入于晉陽以叛。

鞅入于晉陽以叛。

書。叛。惡。可知。

冬。晉荀寅。士吉射。

入于朝歌以叛

吉射。士鞅子。

晉趙鞅歸于晉

韓魏請而

復之。故曰歸。言韓魏之疆猶列國。

薛弒其君比

無傳。稱君。君無道。

傳十三年春齊侯衛侯次于垂葭實鄭氏

垂葭

改名鄭氏。高平鉅野縣西南有鄭亭。鄭古闐反。

使師伐晉將濟河

諸大夫皆曰不可邴意茲曰可

意茲齊大夫邴彼命反

銳師伐河內

今河內汲郡

傳必數日而後及絳

傳告

晉。傳張戀反。又直專反。數所主反。

絳不三月不能出河則我

既濟水矣乃伐河內齊侯皆斂諸大夫之軒

唯邴意茲乘軒

以其言當。雷丁浪反。

齊侯欲與衛侯

乘

共載。繩證反。下同。

與之宴而駕乘廣載甲馬使

告曰晉師至矣齊侯曰比君之駕也寡人請

攝

以己車攝代衛。廣古曠反。

乃介而與之乘驅之或告

曰無晉師乃止

傳言齊侯輕所以不

晉趙鞅

謂邯鄲午曰歸我衛貢五百家吾舍諸晉陽

午許諾

十年趙鞅圍衛。衛人懼。貢五百家。鞅置之邯鄲。今欲徙著晉陽。晉陽趙鞅

歸告其父兄父兄皆曰不可衛是以爲邯

鄲

言衛以五百家在邯鄲。常爲是故。與邯鄲親。爲于僞反。

而寘諸晉陽

絕衛之道也不如侵齊而謀之

侵齊則齊當來報。欲因懼

齊而徙。則衛與。乃如之。而歸之于晉陽。欲如

邯鄲好。不絕。而後歸。趙孟怒。召午而囚。諸晉陽。趙鞅不察其謀。謂午

衛貢。不用命。使其從者說劔而入。涉賓不可。涉賓

故囚之。臣不肯說。劔入。欲謀叛。乃使告邯鄲人曰。

吾私有討於午也。二三子。唯所欲立。午。趙鞅

封邯鄲。故使邯鄲。遂殺午。趙稷涉賓。以邯鄲

叛。稷。趙夏六月。上軍司馬籍秦圍邯鄲。邯鄲

午。荀寅之甥也。荀寅范吉射之姻也。婿。父曰

子。娶吉射女。而相與睦。故不與圍邯鄲。將作亂。作

攻趙。董安于聞之。安于。趙告趙孟曰。先備諸

趙孟曰。晉國有命。始禍者死。為後可也。安于

曰。與其害於民。寧我獨死。懼見攻。必請以我

說趙孟不可。晉國若討。可殺秋七月。范氏中

行氏。伐趙氏之宮。趙鞅奔晉陽。晉人圍之。范

臯夷無寵於范吉射。而欲為亂於范氏。臯夷

側室。梁嬰父嬖於知文子。文子。荀躒文子欲

以為卿。韓簡子與中行文子相惡。簡子。韓起

中行文子。荀寅也。惡魏襄子亦與范昭子

相惡

襄子。魏舒孫曼多也。昭子。士吉射。

故五子謀

五子。范臯。梁嬰父。

知文子。韓簡子。魏襄子。

將逐荀寅。而以梁嬰父代之。逐

范吉射。而以范臯夷代之。荀躒言於晉侯曰。

君命大臣。始禍者死。載書在河。

為盟書。沈之。躒力狄。

反。又。如字。

今三臣始禍。而獨逐鞅。刑已不鈞矣。請

皆逐之。冬十一月。荀躒韓不信。魏曼多。奉公

以伐范氏。中行氏弗克。二子將伐公。齊高彊

曰。三折肱。知為良醫。

高彊。齊子尾之子。昭十年奔魯。遂適晉。三如

字。又息。暫反。折之設反。唯伐君為不可。民弗與也。我以

伐君在此矣。三家未睦。

三家。知韓魏。

可盡克也。克

之。君將誰與。若先伐君。是使睦也。弗聽。遂伐

公。國人助公。二子敗。從而伐之。丁未。荀寅。士

吉射。奔朝歌。韓魏以趙氏為請。

經所以書。十趙鞅歸。

二月辛未。趙鞅入于絳。盟于公宮。

傳錄晉初。衰亂。

衛公叔文子朝。而請享靈公。

欲令公臨其家。退見史

鮑而告之。

史鮑。史魚。鮑音秋。

史鮑曰。子必禍矣。子富

而君貪。罪其及子乎。文子曰。然。吾不先告子。

是吾罪也。君既許我矣。其若之何。史鮑曰。無



害子臣可以免言能執富而能臣必免於難

上下同之言尊卑皆然戊也驕其亡乎文

子之富而不驕者鮮吾唯子之見驕而不亡

者未之有也戊必與焉與禍難及文子卒

衛侯始惡於公叔戌以其富也公叔戌又將

去夫人之黨靈公夫人南子黨宋朝之夫人

愬之曰戌將為亂為明年戌來奔傳

經十有四年春衛公叔戌來奔衛趙陽出奔

宋陽趙厲孫書名者親富二月辛巳楚公子

結陳公孫佗人帥師滅頓以頓子牂歸夏衛

北宮結來奔亦黨公叔戌皆惡之五

月於越敗吳于檇李於越國也使罪人詐

書敗也檇李吳郡嘉興縣南吳子光卒未同盟而

赴以公會齊侯衛侯于牽魏郡黎陽縣公至

自會無傳秋齊侯宋公會于洮洮曹天王使石

尚來歸脤無傳石尚天子之士石氏尚名脤

侯親兄弟之國與之衛世子蒯聩出奔宋蒯

共福○脤市軫反苦怪反衛公子孟彊出奔鄭彊書名與蒯宋

公之弟辰自蕭來奔無傳。稱宋公之弟。例在十年。大蒐于

比蒲。邾子來會公無傳。會公于比蒲。來而不

城莒父及霄無傳。公叛。晉助范氏。故懼而

傳十四年春。衛侯逐公叔戌。與其黨。故趙陽

奔宋。戌來奔終史魚之言。梁嬰父惡董安于。謂知

文子曰。不殺安于。使終為政於趙氏。趙氏必

得晉國。盍以其先發難也。討於趙氏。文子使

告於趙孟曰。范中行氏雖信為亂。安于則發

之。是安于與謀亂也。晉國有命。始禍者死。二

子既伏其罪矣。敢以告告使討安于。趙孟

患之。安于曰。我死而晉國寧。趙氏定。將焉用

生。人誰不死。吾死莫矣。乃縊而死。趙孟尸諸

市而告於知氏曰。主命戮罪人安于。既伏其

罪矣。敢以告。知伯從趙孟盟知伯荀躒。莫音暮。而後

趙氏定。祀安于於廟趙氏廟。頓子牂欲事晉。背

楚而絕陳好。二月。楚滅頓傳言小不事。夏衛

北宮結來奔。公叔戌之故也。吳伐越報五年

越子勾踐禦之。陳于檇李勾踐。越王。允常子。勾踐患

吳之整也。使死士再禽焉。不動。使敢死之士往。輒為吳所

禽。欲使吳師亂取之。而吳不動。使罪人三行。屬劍於頸。注以劍

○行音杭。下同。屬之欲反。又之住反。而辭曰：二君有治旅。治軍臣

奸旗鼓。犯軍不敏於君之行前。不敢逃刑。敢

歸死。遂自剄也。師屬之目。越子因而伐之。大

敗之。靈姑浮以戈擊闔廬。姑浮。越大夫。闔廬

傷將指。取其一履。其足大指見斬。遂失履。還

卒於陘。去樵李七里。釋經所以夫差使人立

於庭。夫差闔廬嗣子苟出入。必謂已曰：夫差而忘越

王之殺而父乎。則對曰：唯不敢忘。三年乃報

越。後三年。哀元年。晉人圍朝歌。公會齊侯、衛侯于脾

上梁之間。脾上梁。間即牽謀救范中行氏。齊魯叛晉。故助范中

也。析成鮒。小王桃甲率狄師以襲晉。二子。晉

中行氏之黨。桃如字。又作姚。戰于絳中。不克而還。士鮒奔

周。小王桃甲入于朝歌。秋，齊侯、宋公會于洮。

范氏故也。謀救范氏衛侯為夫人南子召宋朝。南

宋女也。朝。宋公子。舊通于南子。在宋呼之。會于洮。太子蒯聵

獻孟于齊。過宋野。蒯聵。衛靈公太子。孟。邑名。就。會獻之。故自衛行而

過宋野。野人歌之曰。既定爾婁豬。盍歸吾

艾。猥婁豬求子豬。以喻南子。艾。猥。喻。天子羞

之。謂戲陽速曰。從我而朝少君。速。天子家臣。戲。許宜反。

少。詩照反。少君見我。我顧乃殺之。速曰。諾。乃

朝夫人。夫人見天子。天子三顧。速不進。夫人

見其色。啼而走。見。天子色變。曰。蒯聩將殺余。

公執其手以登臺。天子奔宋。盡逐其黨。故公

孟彊出奔鄭。自鄭奔齊。天子告人曰。戲陽速

禍余。戲陽速告人曰。天子則禍余。天子無道。

使余殺其母。余不許。將戕於余。戕。殘也。若殺夫

人。將以余說。余是故許而弗為。以紓余死。諺

曰。民保於信。吾以信義也。使。義可。信。不必。紓。音。舒。冬。

十二月。晉人敗范中行氏之師於潞。獲籍秦。

高彊。二子。黨。范氏者。終。景。王。言。籍。父。無。後。又敗鄭師及范氏之

師于百泉。鄭助。范氏。故。并。敗。

經十有五年。春。王正月。邾子來朝。鼷鼠食郊

牛。牛死。改卜牛。無。傳。不。言。所。食。處。舉。死。重。二。也。改。卜。禮。也。鼷音。兮。

月。辛丑。楚子滅胡。以胡子豹歸。夏。五月。辛亥。

郊無傳。書過。壬申。公薨于高寢。高寢。宮名。不於路寢。失其所。鄭

罕達帥師伐宋。齊侯。衛侯。次于渠蔭。不果救。故書次。

○蔭直。居反。邾子來奔喪。無傳。諸侯奔喪非禮。秋。七月。壬申。

妣氏卒。定公夫人。八月。庚辰朔。日有食之。無傳。九月。

滕子來會葬。無傳。諸侯會葬非禮也。丁巳。葬我君定公。

雨。不克葬。戊午。日下。吳。乃克葬。辛巳。葬定妣。

辛巳。十月三日。有日無月。冬。城漆。邾庶其邑。

傳。十五年。春。邾隱公來朝。邾子益。子貢觀焉。邾

子執玉高。其容仰。公受玉卑。其容俯。玉。朝者之贄。

子貢曰。以禮觀之。二君者。皆有死亡焉。夫禮。

死生存亡之體也。將左右周旋。進退俯仰。於

是乎取之。朝祀喪戎。於是乎觀之。今正月相

朝。而皆不度。不合法度。心已亡矣。嘉事不體。何以

能久。嘉事。朝禮。高仰。驕也。卑俯。替也。驕近亂。替近

疾。君為主。其先亡乎。為此年公薨。哀七年以邾子益歸傳。替他計。

反。吳之入楚也。在四年。胡子盡俘楚邑之近。胡

者。俘。取也。楚既定。胡子豹又不事楚。曰。存亡有

命。事楚何為。多取費焉。二月。楚滅胡。傳言小不事大。

所以亡。○夏五月壬申公薨。仲尼曰：賜不幸

言而中，是使賜多言者也。以微知著，知之難者。子貢言語之士。

今言而中，仲尼懼其易言，故抑之。○中丁仲反。鄭罕達敗宋師于老

丘。罕達，子蠡之子。老丘，宋地。宋公子地奔鄭。鄭人爲之伐宋，欲取地以處之。事見哀十

二年。○齊侯、衛侯次于濊，挈謀救宋也。挈，才何反。

女居反。又秋七月壬申，妣氏卒，不稱夫人，不

赴，且不祔也。赴，同。附，姑。夫人之禮。二葬定公。

雨不克襄事，禮也。襄，成也。雨而成事。若汲汲於欲葬者。葬定妣。

不稱小君，不成喪也。公未葬而夫人薨，煩於喪禮，不赴不祔，故不稱

小君。臣子怠慢也。○冬，城漆，書不時告也。實以秋城。

反。哭於寢，故書葬。冬，城漆，書不時告也。○



春秋經傳集解定公下第二十八

